

c. 802

252.

*Alcvinus Arnonem archiepiscopum Salisburgensem ad se Turonos venire cupit rogat-
que eum ut pro se precetur.* c. 802.

Codd. S 1 fol. 135'—136' (S 1 fol. 37—39).*

Edd. M 14, F 107, J 195. — Migne col. 385.

OPTIMO PRAESULI AQUILAE ALBINUS SALUTEM.

5

Occurrat cartula, caritatis calamo conscripta¹, vestrae reverentiae, frater desideran-
tissime, tuis susurrans auribus, ut venias, si fieri possit, ad limina beati Martini patris
nostri protectorisque vestri, ut tuus tecum familiari conlatione Albinus agere extrema
salutationis verba valeat²: quia festinat hora divisionis inter fratres, separationis inter
amicos. Eunti homini in domum aeternitatis suae, et circumeuntibus circa eum in platea
plangentibus; tunc vera probabitur amicitia, dum falsa cessabit adolatio. Multi pro-
mittunt societatem, sed pauci custodiunt. Nec mirum, quia multi sunt vocati, pauci
vero electi.

Eccle. 12, 5.

Matth. 20, 16.

Sed quid ad haec? Iungat se homo Deo, et habebit cuncta, quae necessaria
sunt. Quaerite primum regnum Dei et iustitiam eius et omnia adicientur vobis. Do-
lores et tribulationes huius vitae nos cotidie ammonent Deo iungi, terrena fugere,
caelestia amare. Sed heu, pro dolor, his optamus miseriis diu interesse, et minus per-
petuam quaerimus requiem: nostris inhiamus^a cupiditatibus, minus Dei praeceptis in-
herentes, qui paterna pietate nos castigat, ut animo haec temporalia fugiamus, et ad
aeterna festinemus, ubi vera est beatitudo. Ut ad hanc pervenire merear, Deo mise-
rante, tua me sanctitas orationum suffragiis adiuvet. Periculum meum novi, peccata
mea agnosco. Ideo supplex servorum Christi depono intercessionem, ut mei misereatur.
Spes et consolatio mea omnium redemptor deus Christus, cui laus et gratiarum actio
pro omnibus bonis, quae mihi gratuita pietate concessit in hoc saeculo.

ib. 6, 33.

15

20

Vive Deo felix, mundo nam vivere mors est;

25

Vera quidem est homini^b vivere vita Deo³.

253.

*Alcvinus apud Arnonem archiepiscopum Salisburgensem de omisso responso ad
plures epistolas conqueritur. Dolet amicum saecularibus negotiis implicitum; infirmus animo
ut precibus Arnonis adiuvetur rogat.* 802.

Codd. S 1 fol. 156'—159' (S 1 fol. 69'—75).*

Edd. M 21, F 112, J 188. — Migne col. 399.

30

VENERANDO PATRI ET VERE CARITATIS ALIS AMPLECTANDO, COLENDO ET DESIDERANDO
AQUILAE ARCHIEPISCOPO HUMILIS MATRICULARIUS ALBINUS IN CHRISTO SALUTEM.

Anniversario tempore plurimas vestrae sanctae dilectioni direxi litterulas secun-
dum caritatis affectum exaratas, sed nescio, si ad vestram venerandae dignitatis per-
venerunt faciem, quia necdum merui rescripta solitae familiaritatis: sive negligentia
portitorum fuit sive occupatio vestrae sanctitatis impedivit, ut non scriberes. Scio
integram in pectore pietatis vestrae dilectionem non solum apud me, sed apud omnes

35

252. ^a) inhiamus S 1. ^b) Vera quidem homini est S 1.

1) Cf. supra p. 159 l. 24. 2) Cf. p. 384: hisque transactis inter nos consiliis, quod sine lacrimis
non dico, ultimum vale fiat inter Aquilam et Albinum. 3) Cf. p. 407 v. 9—10.

40